

ԱՐՁԱՆԱԳՐՈՒԹՅՈՒՆ

2016 թվականի հուլիսի 14-ին ժամը 14⁰⁰-ին կայացած
ՀՀ Արմավիրի մարզի Հայկաշեն համայնքի ընդհանուր ժողովի

Օրակարգ

Հայկաշեն համայնքի ղեկավարի 2016թ. առաջին եռամսյակի հաշվետվության
ներկայացում:

/գեկուցող Վ. Հովհաննիսյան/

Մասնակցում էին ՀՀ Արմավիրի մարզպետարանի աշխատակազմի ֆինանսական և
սոցիալ-տնտեսական զարգացման վարչության ֆինանսական բաժնի պետ
Հովհաննես Հարությունյանը, գյուղապետարանի աշխատակազմը, ավագանիները,
ղադրոցի տնօրենը, բուժ. կետի աշխատակիցները, համայնքի բնակիչները:

Լսեցին.- համայնքի ղեկավարի 2016թ. առաջին եռամսյակի հաշվետվությունը:

Համայնքի բնակիչները դժգոհեցին ոռոգման ջրի անբավարարությունից:

Համայնքի ղեկավարը նշեց, որ համայնքում փակ դրենաժային համակարգը չի
գործում, որի պատճառով գրունտային ջրերը բարձրացել են, իսկ հողերը աղակալվում
են, գյուղը գազաֆիկացված չէ, համայնքում կառուցվում է մանկապարտեզ:

Համայնքի ղեկավարը նշեց նաև հիմնահարցերը, որոնք լուծելու համար մեծ գումարներ
են անհրաժեշտ:

Մտքերի փոխանակումից հետո ժողովն ավարտվեց:

Համայնքի ղեկավար՝

Արծաճագրող՝



Վ. Հովհաննիսյան

Գ. Եղշատյան

ԱՐՄԱՎԻՐԻ ՄԱՐԶԻ ՀԱՅԿԱՇԵՆ ՀԱՄԱՅՆՔԻ ՂԵԿԱՎԱՐԻ 2016թ.

ԱՌԱՋԻՆ ԿԻՍԱՄՅԱԿԻ

ՀԱՇՎԵՏՎՈՒԹՅՈՒՆ

Հարգելի Հայկաշեն համայնքի բնակիչներ, ավագանու անդամներ և հյուրեր: Գործող կարգի և Տեղական ինքնակառավարման մասին Հայաստանի Հանրապետության օրենքի համաձայն Ձեր քննարկմանն են ներկայացնում ըստ բնագավառների գյուղապետարանի, համայնքի ղեկավարի և ավագանու առաջին կիսամյակի գործունեությունը:

2016թ-ի առաջին կիսամյակում համայնքի ղեկավարը հրավիրել և վարել է ավագանու 5 նիստ , որից 2-ը արտահերթ: Նիստերի ընթացքում լսվել են տարբեր հարցեր և ընդունվել է ավագանու համապատասխան որոշումներ: Ավագանու որոշումները յոթ օրյա ժամկետում ուղարկվել է մարզպետարան:

Հաստատվել է համայնքապետարանի աշխատակազմի գործավարության կարգը, աշխատակիցների թվաքանակը, հաստիքացուցակը և պաշտոնային դրույքաչափերը : Ընդունվել են համայնքի ղեկավարի 20 որոշումներ և արձակվել են 4 կարգադրություններ:

Այժմ մեր գործունեությունը ներկայացնեն ըստ բնագավառների`.

1. Քաղաքացիների և տնտեսվարող սուբյեկտների պաշտպանության բնագավառում համայնքի ղեկավարը իր իրավասությունների շրջանակներում պաշտպանել է համայնքի բնակիչների շահերը , կազմակերպել է համայնքի բնակչության հաշվառում . այն է`

Մշտական բնակչություն 1486 մարդ. որից`

1. Թոշակառու – 136
2. Նպաստառու ընտանիքներ – 19
3. Ջոհված ազատամարտիկ – 1 ընտանիք
4. Հաշմանդամ – 13
5. Միակողմանի ծնողազուրկ – 3 ընտանի
6. Երկողմանի ծնողազուրկ -- 1 ընտանիք
7. Բազմազավակ – 14 ընտանիք
8. Փախստական - 1 ընտանիք

Կատարվել են 134 քաղաքացիների ընդունելություններ, քննության է առնվել նրանց առաջարկությունները , քննարկվել են քաղաքացիների կողմից ներկայացրած 2 դիմում - բողոքները և ձեռնարկվել համապատասխան միջոցներ : Բնակչությանը տրամադրվել է բոլոր անհրաժեշտ փաստաթղթերը և 138 տեղեկանք:

2. Ֆինանսների բնագավառում իրականացվել է՝

Կազմվել և ավագանու հաստատման է ներկայացվել 2016թ. համայնքի բյուջեում առաջարկվող փոփոխությունները :

Սահմանվել են տեղեկան տուրքերի և վճարների դրույքաչափերը և ներկայացվել ավագանու հաստատմանը : Կազմակերպվել է հողի հարկի , գույքահարկի և տեղական տուրքերի գանձման աշխատանքները : Հարկերը չվճարող անձանց նկատմամբ կիրառվել են համապատասխան միջոցներ :

2016թ-ի բյուջեն առաջին կիսամյակում կատարվել է 82 % - ով:

3. Հասարակական կարգի պահպանության բնագավառում՝

Հասարակական կարգի խախտման դեպքեր չեն արձանագրվել :

Ոստիկանության կողմից համայնքում և համայնքի բնակիչների կողմից իրականացված իրավախախտումների վերաբերյալ տվյալներ համայնքի ղեկավարին չի տրամադրվել :

4. Պաշտպանության բնագավառում`

Կազմակերպվել է ամառային զորակոչի ընթացքը : Երիտասարդների հետ տեղի են ունեցել հանդիպումներ , որոնց ընթացքում նրանց հետ տարվել է ռազմա-հայրենասիրական դաստիարակչական աշխատանքներ : Զորակոչային տարիքի երիտասարդները ժամանակին են ներկայացել տարածքային զինկոմիսարիատ : Նրանց անձնական գործերը կազմվել և ժամանակին ներկայացվել է զինկոմիսարիատ :

Սոցիալապես անապահով զինծառայողների ընտանիքներին ցույց է տրվել օժանդակություն և աջակցություն : 2016 թվականի ապրիլի 24-ին Մեծ եղեռնի զոհերի հիշատակի խաչքարին դրվել են ծաղկեպսակներ և մեկ րոպե լռությամբ հարգվել է 1.5 միլիոն անմեղ զոհերի հիշատակը: 2016 թվականի ապրիլի 26-ին կազմակերպվել է ցերեկույթ` նվիրված Մեծ զորավար Գարեգին Նժդեհի ծննդյան 130 ամյակին, որի ընթացքում ելույթ ունեցողները ներկայացրին մի շարք պատմագրական նյութեր Մեծ զորավարի կյանքի և գործունեության վերաբերյալ:

Մայիսի 9-ին մեծ հանդիսավորությամբ Հայրենական Մեծ պատերազմի զոհերի հուշարձանի տարածքում կազմակերպվել է միջոցառում , որտեղ համայնքի քաղաքացիներից շատ-շատերը խոսեցին Հայրենական Մեծ պատերազմին մասնակցած Հայկազենցիների մասին, ինչպես նաև իրենց երախտիքի խոսքերն արտահայտեցին Արցախյան պատերազմում զոհված համագյուղացի Գագիկ Կիրակոսյանի և Շուշիի ազատագրման ժամանակ հայ ազատամարտիկների կատարած սխրագործությունների մասին:

5. Քաղաքաշինության բնագավառում`

Որոշ քաղաքացիների տրվել է շինարարական թույլտվություն , արգելվել է ապօրինի շինարարությունը : Կատարվել են փողոցների կառուցապատման և բարեկարգման աշխատանքներ: Պարբերաբար կատարվում է աղբահանություն , մեծ ուշադրություն է դարձվել համայնքի սանիտարահիգիենիկ պայմանների վրա :

6. Հողօգտագործման բնագավառում`

Կատարել ենք համայնքի վարչական տարածքի հողերի հաշվառումը և կազմել հողային հաշվեկշիռը` այն է
Համայնքի վարչական տարածքը - 1036.14 հա
որից`

1. Վարելահողեր – 489.54 հա

2. Տնամերձ հողեր – 108.23 հա

3. Պետական սեփականության հողեր 55.21 հա

4. Աճուրդային կարգով օտարված հողեր – 143.26 հա

5. Համայնքային սեփականության հողեր – 147.51 հա

Համայնքում ապօրինի հողօգտագործողներ չկան : Վարելահողերի փակ դրենաժային համակարգի խցանման պատճառով հողամասերի բարելավման աշխատանքները չեն իրականացվում, տեղի է ունենում հողերի երկրորդային աղակալում , ընկել է հողերի բերրիությունը: Այս առումով 2016թ-ի մայիսին Հայկաշենի գյուղապետարանը համագործակցել և աջակցություն է ցուցաբերել Հ.Հ. գյուղնախարարության «Ագրոքիմիական ծառայություն» ՊՈԱԿ-ի հետ` համայնքի 232հա վարելահողերի ագրոքիմիական դաշտային ու լաբարատոր հետազոտություններ կատարելու ուղղությամբ, որի արդյունքում համայնքին կտրամադրվի ագրոքիմիական քարտեզը և մշակաբույսերի ընտրության, մշակման և պարարտացման սխեման :

7. Առևտրի և սպասարկման բնագավառում`

Առևտրի օբյեկտներին տրվել է ոգելից խմիչքների և ծխախոտի վաճառքի թույլտվություն և սահմանվել է յուրաքանչյուր եռամսյակի համար տասը հազար դրամ տեղական տուրք և հաստատվել է ավագանու կողմից : Առաջին կիսամյակում տեղական տուրքը գանձվել է 50%-ով :

8. Տրանսպորտի բնագավառում`

Հաճախակի կազմակերպվում են համայնքի փողոցների բարեկարգման աշխատանքներ , քանդված հատվածները , փոսերը լցվում են հողով և ավազով , կատարվում է փողոցների հարթեցում: Գյուղի կենտրոնական փողոցը, որն ունի միջհամայնքային նշանակություն` լուսավորված է և ասվալտապատվել է Հազարամյակների մարտահրավեր ծրագրի միջոցներով:

9. Կրթության և մշակույթի բնագավառում`

Աջակցում ենք հանրակրթական դպրոցի գործունեությանը : Դպրոցում սովորում են 102 աշակերտներ , ապահովված է բարձրակարգ մասնագետներով: Այժմ դպրոցը մասնակի վերանորոգման ընթացքում է և այնտեղ ընթացող աշխատանքները համայնքի ղեկավարի ամենօրյա ուշադրության և հսկողության տակ են :

Դպրոցում գործում են գեղարվեստական ինքնագործ խմբակներ, որոնց գործունեությանը աջակցում է համայնքի ղեկավարը և այլ բարերարներ : Գործում է գրադարանը , որտեղ կա շուրջ 7000 կտոր բազմաբովանդակ գրականություն :

Մեծ աշխատանքներ են տարվում երիտասարդների դերի բարձրացման ուղղությամբ :

10. Առողջապահության և սպորտի բնագավառում`

Աջակցում ենք համայնքի բուժկետին , սանիտարահիգիենիկ , հակահամաճարակային միջոցառումների կատարման գործընթացին , որոնք պարտադիր կատարվում են պլանավորված ժամանակահատվածում և անթերի կերպով :

Համայնքի հանրակրթական դպրոցում կա անհրաժեշտ պարագաներով հագեցած սպորտդահլիճ , որտեղ ցանկացողները զբաղվում են սպորտով :

11. Աշխատանքի և սոցիալական ծառայության բնագավառում իրականացվել են`

Շուրջ 19 ընտանիքներ ներգրավվել են « Ընտանեկան նպաստ » ծրագրում :

12. Գյուղատնտեսության բնագավառում իրականացվել են հետևյալ աշխատանքները`

Գարնանը ներհամայնքային ոռոգման ցանցի ջրատարները մաքրվել են բուսական մնացորդներից և տիղմից , կատարվել են վերանորոգման աշխատանքներ : Կազմակերպվել են հանդիպումներ բնակչության հետ , որի ընթացքում արծարծվել են ցանքի հետ կապված հարցեր , մշակաբույսերի տարածված հիվանդությունների և ժամանակակից բուժման նոր մեթոդների լուսաբանման հետ կապված հարցերը : Ուշադրության տակ է եղել գարնանացանի ընթացքը : Շատերին տրվել են խորհուրդներ և ցուցումներ :

Կատարվել են գյուղ. կենդանիների հաշվառում. համայնքում առկա են`

խոշոր եղջ. կենդանիներ - 507 գլ.

որից`

կովեր - 203 գլ.

խոգեր – 83 գլ.

ոչխարներ – 610 գլ.

թռչուններ - 1067 գլ.

Պարբերաբար հսկվում է համայնքի անասնաբույժի աշխատանքը ,
որպեսզի գյուղ. կենդանիների բուժ. պրոֆիլատիկ և
հակահամաճարակային միջոցառումները կատարվել են
ժամանակին և անթերի կերպով :

Գյուղատնտեսական մթերքները իրացվում են հարևան Գայ
համայնքի վարչական տարածքում գործող առևտրի մեծածախ
շուկայում:

Համայնքում առկա են բազմաթիվ չլուծված խնդիրներ:

Գյուղը գազաֆիկացված չէ : Մշակույթի տունը վթարային վիճակում
է, որն ունի կապիտալ վերանորոգման կարիք : Չկա
գյուղապետարանի շենք և փոստատուն : Վարելահողերի շուրջ 40%-
ը չի մշակվում ոռոգման ջրի սակավ լինելու պատճառով ,
բնակիչները անընդհատ բողոքում են , որ ջրի պատճառով չեն
կարողանում մշակել իրենց հողերը , որն էլ դժվարացնում է
մրանց հարկային պարտավորությունների կատարումը :

Համայնքի ղեկավար



Վ. Հովհաննիսյան